



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726-444; 726-400
fax. +387 33 726-423
e – mail: info@voda.ba

Broj: **UP-1/21-3-40-164-3/22**

Datum: **17.05.2022. god**

«Agencija za vodno područje rijeke Save» Sarajevo rješavajući po zahtjevu pravnog lica JP «PARKING SERVIS» d.o.o. Zenica za donošenje Rješenja o vodnoj dozvoli za ispuštanje tehnoloških otpadnih voda sa lokaliteta objekta samouslužne autopraonice u ul Zacarina br 23 u Zenici, na osnovu člana 110. stav (3) Zakona o vodama («Službene novine Federacije BiH», broj 70/06) i člana 200. stav (1) Zakona o upravnom postupku («Službene novine Federacije BiH», broj 2/98 i 48/99), donosi

R J E Š E N J E

1. Odbija se zahtjev pravnog lica, JP «PARKING SERVIS» d.o.o. Zenica za donošenje rješenja o vodnoj dozvoli za ispuštanje tehnoloških otpadnih voda sa lokaliteta objekta samouslužne autopraonice izgrađene u ul Zacarina br 23 na zemljištu označenom kao k.č. broj 1833 K.O. Zenica II, grad Zenica s obzirom da za predmetnu aktivnost, a u skladu s odredbama člana 110. stav (3) Zakona o vodama, nije propisana obaveza pribavljanja vodnih akata od strane ove Agencije.
2. Ukoliko davalac usluga, JP «Vodovod i kanalizacija» d.o.o. Zenica, a u skladu sa članom 28. Pravilnika o sadržaju, obliku, uslovima, načinu izdavanja i čuvanja vodnih akata («Službene novine Federacije BiH», broj: 31/15, 55/19 i 41/20), uskrati pružanje usluga za ispuštanje tehnoloških otpadnih voda sa predmetnog lokaliteta u javni kanalizacioni sistem, vlasnik ili korisnik predmetnog objekta je u obavezi pribaviti odgovarajuće vodne akte, a sve u skladu sa članom 139. stav (1) tačka 3. Zakona o vodama.
3. Ovo Rješenje ne oslobađa podnosioca zahtjeva obaveze pribavljanja suglasnosti i dozvola od strane drugih nadležnih organa, a sve u skladu sa važećim zakonskim propisima, odlukama, uredbama i dr.
4. Ukoliko usljed štetnog djelovanja voda nastalog zbog neizgrađenosti ili nedovoljne osposobljenosti (zaštitnih) vodnih objekata dođe do nastanka štete na predmetnom objektu obuhvaćenom ovim Rješenjem, korisnik zaštitnih vodnih objekata nije odgovoran za nastale štete
5. Ovo Rješenje se može izmjeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

O b r a z l o ž e n j e

Pravno lice, JP «PARKING SERVIS» d.o.o. Zenica podnijelo je dana 06.04.2022. godine zahtjev za donošenje rješenja o vodnoj dozvoli za ispuštanje tehnoloških otpadnih voda u prirodni recipijent sa lokaliteta objekta samouslužne autopraonice izgrađene u ul Zacarina br 23 na zemljištu označenom kao k.č. broj 1833 K.O. Zenica II, grad Zenica.

U provedenom postupku dostavljena je i pregledana sljedeća dokumentacija:

- Ovjerena kopija Rješenja o upisu u sudski registar broj: 043-0-Reg-07-000905 izdatog dana 04.05.2007. godine od strane Općinskog suda u Zenici,
- Ovjerena kopija Rješenja o izmjenama podataka u sudski registar broj: 043-0-Reg-22-000329 izdatog dana 25.03.2022. godine od strane Općinskog suda u Zenici,
- Ovjerena kopija Uvjerjenja o registraciji poreznog obveznika izdatog dana 17.08.2018. godine od strane Porezne uprave Federacije BiH-Kantonalni porezni ured Zenica,
- Kopija Rješenja o odobrenju korištenja objekta broj: 06-23-1604/11 izdatog dana 14.07.2011. godine od strane Službe za prostorno uređenje Općina Zenica,
- Glavni projekat montažnog objekta autopraone (faza: vodovod i kanalizacija) urađen od strane «PAKO» d.o.o. Zenica, maj 2010. godine – na uvid,

- Mašinsko-tehnološki projekat montažnog objekta autopraone urađen od strane «TERMO» d.o.o. Kakanj (broj: MTP MOA-04/11, april 2011. godine) - na uvid,
- Kopija Rješenja o vodnoj dozvoli broj: UP-I/25-3-40-779-3/13 izdatog dana 26.12.2013. godine od strane «Agencije za vodno područje rijeke Save» Sarajevo,
- Kopija radnog naloga broj: 02/10/21 za čišćenje taložnika (4kom) i broj: 03/10/21 za čišćenje separatora izdatog dana 14.10.2021. godine od strane «DELTA PETROL» d.o.o. Kakanj (prilog -kopija fakture broj: 002163-1 od 15.10.2021. godine)
- Kopija računa za vodu i kanalizaciju, mart 2022. godine dostavljenog od strane JP «Vodovod i kanalizacija» d.o.o. Zenica,
- Izvještaj o monitoringu kvaliteta i kvantiteta otpadnih voda broj: 1528/21 urađen od strane «Inspekt-RGH» d.o.o. Sarajevo, oktobar 2021. godine,
- Kopija Odobrenja broj: 203-6109-1/22 SM za priključak poslovnog objekta Autopraonice u ul Zacarina br 23 na gradski vodovodni i kanalizacioni sistem izdatog dana 10.05.2022. godine od strane JP «Vodovod i kanalizacija» d.o.o. Zenica,
- Dokaz o uplaćenju upravnoj taksi.

Nakon pregleda dostavljene dokumentacije, u skladu sa članom 12. stav (5) i (6) Pravilnika o sadržaju, obliku i uvjetima i načinu izdavanja i čuvanja vodnih akata («Službene novine Federacije BiH», broj: 31/15, 55/19 i 41/20), izvršen je obilazak predmetnog objekta u ul Zacarina br 23 u Zenici i tom prilikom je sačinjen Zapisnik o uviđaju broj: UP-1/21-3-40-164-2/22 od 15.04.2022. godine.

Na osnovu dostavljene dokumentacije i izvršenog uviđaja na licu mjesta utvrđeno je sljedeće:

- Samouslužna autopraonica sa 4 boksa (3 natkrivena + jedan otvoreni) izgrađena je u krugu poslovnog kompleksa JP «PARKING SERVIS» d.o.o. Zenica na adresi Zacarina broj 23 u Zenici.
- Tehnološke otpadne vode nastale pranjem auta i uređenih manipulativnih površina i platoa kompleksa, prikupljaju se sistemom slivnika i taložnika te odvođe na tretman do instaliranog separatora masti i ulja. Preliv iz separatora je, preko okna za monitoring u gradski kanalizacioni sistem kojim upravlja JP «Vodovod i kanalizacija» d.o.o. Zenica.
- Snabdijevanje vodom za tehnološke potrebe je obezbijeđeno priključkom na gradsku vodovodnu mrežu.
- Za priključak predmetnog objekta samouslužne autopraonice na gradski vodovodni i kanalizacioni sistem dostavljeno Odobrenje broj: 203-6109-1/22 SM izdato dana 10.05.2022. godine od strane operatora JP «Vodovod i kanalizacija» d.o.o. Zenica.
- Monitoring otpadnih voda se vrši redovno. Na uvid predložen izvještaj o ispitivanju kvaliteta otpadnih voda za oktobar 2021. godine urađen od strane «Inspekt-RGH» d.o.o. Sarajevo. Ispitivani parametri zadovoljavaju MDK utvrđene Uredbom o uslovima ispuštanja otpadnih voda u okoliš i sisteme javne kanalizacije.
- Čišćenje separatora se vrši redovno od strane «DELTA PETROL» d.o.o. Kakanj (priložen radni nalog o čišćenju separatora od 14.10.2021. godine).
- U konkretnom slučaju se radi o ispuštanju otpadnih voda u javni kanalizacioni sistem kojim upravlja JP «Vodovod i kanalizacija» d.o.o. Zenica, te shodno odredbama člana 110. stav 3. Zakona o vodama i člana 28. Pravilnika o sadržaju, obliku, uslovima, načinu izdavanja i čuvanja vodnih akata («Službene novine Federacije BiH», broj 31/15, 55/1 i 41/20) nije potrebno izdavanje vodne dozvole za predmetnu aktivnost. Uslove za ispuštanje otpadnih voda iz predmetnog objekta propisat će operator kanalizacionog sistema koji posjeduje Rješenje o vodnoj dozvoli broj: UP-I/25-3-40-377-3/19 za ispuštanje urbanih otpadnih voda u rijeku Bosnu doneseno dana 09.08.2019. godine od strane «Agencije za vodno područje rijeke Save» Sarajevo u kojem su utvrđeni uslovi pod kojima se isto izdalo, a koje je operator dužan ispunjavati u toku važenja Rješenja.

Iz naprijed navedenih razloga, a u skladu s članom 110. stav (3) Zakona o vodama i članom 200. stav (1) Zakona o upravnom postupku, riješeno je kao u dispozitivu ovoga Rješenja.

Podnosilac zahtjeva je uplatio upravnu taksu u iznosu od 70KM u skladu sa Zakonom o izmjenama i dopunama zakona o federalnim upravnim taksama i tarifi federalnih upravnih taksi («Službene novine Federacije BiH», broj 06/98, 8/00, 45/10 i 43/13).

Uputa o pravnom lijeku:

Protiv ovog Rješenja može se uložiti žalba Federalnom ministarstvu poljoprivrede, vodoprivrede i šumarstva u roku od petnaest dana od dana prijema Rješenja.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Obradivač akta:

Nermina Hodžić, dipl.ing.građ.

Po ovlaštenju

Rukovodilac sektora za izdavanje vodnih akata




Haris Ališehović, dipl.ing.građ.

Dostaviti:

- JP «PARKING SERVIS» d.o.o. Zenica
UI Muhameda Seida Serdarevića br 1, 72000 Zenica
- AVP Sava, ISV-vodna knjiga
- Sektor 50
- Sektor 40 – arhiva
- Oglasna ploča – AVP Sava

